



Synfocity = 905

mail us at : mzsynfo@gmail.com; mizoramsynod@gmail.com - Phone - 2314648

September 7, 2023

- ❑ **Synod Finance Committee, vawi 146-na an thu**

September ni 6, 2023 (Nilaini) chawhma dar 10 khan Synod Finance Committee vawi 146-na chu Synod Office-a J.M Lloyd Hall-ah an thu a, member 43 an kal. Meeting hi Synod Moderator, Rev. Dr. C. Chawngminglian a kaihrui a, Rev. V.L. Luaia Hranleh, Finance Officer-in report a pe a ni. Report-ah hian Synod Finance Committee vawi 145-nain a rel anga Synod Reserved fund leh Mission Reserved fund dah a nih thu te, June 21-28, 2023 chhunga Chartered Accountant-in Synod sum a audit thu te, Synod Finance Committee vawi 144-na thurel bawhzui a nih dan te, Josefa buhzem sum dinhmun chungchang te, Committee leh Committee inkara Bial leh Kohhran hrang hrangah Accounts Training leh Finance Campaign neih a nih thu te leh April-August, 2023 chhunga sum hmuh Pastoral-ah ₹ 73,84,26,203 leh Mission-ah ₹ 58,45,18,930, a vaiin ₹ 1,32,29,45,133 a ni a, sum hmanna lamah Pastoral-ah ₹ 90,65,41,620 leh Mission-ah ₹ 59,70,36,921, a vaiin ₹ 1,50,35,78,541 a nih thu te tarlan a ni.
- ❑ **Central KṚP buatsaihin Chhanchhuahna Camping neih mek a ni**

Central KṚP-in an buatsaih 'Chhanchhuahna Camping' chu Sept. 4, 2023 (Thawhṭanni) khan Synod Camping Centre, Neihbawiah ṭan a ni a, mi 470 chuang an lut a ni. He camping-ah hian T.Upa Jerry Lalṭanpuia, Krista Remna Palai Team chu speaker atan hman a ni a. Ruihhlo ngaite pual a nih angin hun hmasa lam hi Pathian thu an ngaihthlak theihna turin an ruihhlo ngaihte tireh turin hun hman a ni phawt ang a, ni 10 hnuah Speaker hian hun a hmang ṭan dawn chauh a ni. Camping hian Sept. 23, 2023 thleng a aw h dawn a ni.
- ❑ **Bial hrang hrangah Naupang Sunday School Inkhawmpui neih a ni dawn**

Sept. 10 (Pathianni) hi Naupang Sunday School Inkhawmpui Ni a ni a, Presbyterian Kohhran hnuai Bial hrang hrangah Naupang Inkhawmpui hi hman a ni ang. Naupang Inkhawmpui hian Pathian thu, hla leh thu inchhang hmang inelna neih a ni ang a. Heng bakah hian naupangten item hrang hrang a remchan dan angin an nei baw k ang. Naupang Inkhawmpui hi Bial tam zaw k chuan intihsiakna atan an hmang a, Bial ṭhenkhat eraw h chuan intihsiak lovin an hmang thung. Naupang Inkhawmpui hi a tirah chuan Missionary-te ṭhahnemngaihna avanga neih ṭan a ni a. Kum 1931 khan Aizawl Tlangnuam Kohhranah neih a ni a, hei hi Naupang Inkhawmpui hmasa ber nia hriat a ni. Tunhma lam chuan Naupang Inkhawmpui hi Bial hrang hrangin an remchan hunah an nei mai ṭhin a, tun hnai deuh aṭang khan Bial tinte kan kal rual theih nan MSSU chuan Sunday School Zirlai Syllabus-ah Naupang leh Senior Inkhawmpui hun tur an ruahman tel ve ta a ni. September Pathianni vawi 2-naah Beginner Department-Sacrament Department leh Pathianni vawi 3-naah Senior Department ten inkhawmpui an nei ṭhin a ni. Kum 2022 Synod Inkhawmpui report-a a lan danin Sunday School 1028 a aw m a, Beginner department aṭanga Sacrament department-ah zirlai 1,16,424 leh zirtirtu 23,854 an aw m a ni.
- ❑ **Synod Mission Board**
 - ◆ **Tripura Mission Field**

August 2023 chhung khan belhtu thar 81 an aw m a, January-August thla chhung khan belhtu thar 596 an aw m a ni.
 - ◆ **Jharkhand Mission Field**

Sept. 3, 2023 (Pathianni) khan belhtu thar pakhat a aw m.
 - ◆ **Arunachal & Assam Mission Field (West)**

Sept. 3, 2023 (Pathianni) khan belhtu thar pathum an aw m a, pawl dang aṭangin mi pakhat kan kohhranah arawn inpe baw k.
 - ◆ **Odisha Mission Field**

Sept. 3, 2023 (Pathianni) khan belhtu thar paruk an aw m.

◆ **Lucknow Mission Field**

Sept. 3, 2023 (Pathianni) khan belhtu thar pali an awm.

◆ **Home Mission North**

Sept. 3, 2023 (Pathianni) khan belhtu thar 15 an awm.

◆ **Delhi Mission Field**

Sept. 3, 2023 (Pathianni) khan belhtu thar pathum an awm.

◆ **Patna Mission Field**

Sept. 5, 2023 (Thawhlejni) khan belhtu thar panga an awm.

◆ **Siliguri Mission Field**

Sept. 5, 2023 (Thawhlejni) khan belhtu thar pahnih an awm.

◆ **Field Committee**

Sept. 8-21, 2023 chhung hian Field pathum - Arunachal East, West leh North-ah Field Committee turin Rev. Dr. K. Lallawmzuala, Executive Secretary, Upa Lalṭhahluna Ralte, Co-ordinator leh Upa Lalzamlia, BEC Member-te an kal ang.

□ **Thawktu thar**

Synod Service Board chuan Synod Hospital, Durtlanga thawk tur leh Music Instructor tur a la thar a, Oct. 3, 2023 (Thawhlejni)-ah an hna an zawm ang.

Dialysis Technician (Contract):

- | | |
|-------------------------------------|----------------------|
| 1. Lalrokima s/o Lalawmpuia (L) | Maubawk Venglai |
| 2. Malsawmtluangi d/o Vanlawmthanga | Bethlehem Vengthlang |

Optometrist (Contract):

- | | |
|------------------------------|-------------------|
| 1. Lalmuanawma s/o Kapṭhuama | Durtlang kawnveng |
|------------------------------|-------------------|

Ophthalmic Technician (Contract):

- | | |
|------------------------------------|---------------------|
| 1. Ramhmingsangi d/o Lalhmingliana | Chhingchhip Mualpui |
|------------------------------------|---------------------|

Music Instructor (Contract):

- | | |
|--|---------------|
| 1. Samuel Vanlalhruiatluanga s/o C. Zarzoliana | Republic Veng |
|--|---------------|

□ **Prison Ministry**

Sept. 10, 2023 (Pathianni) chawhma leh chawhnu hian District Jail, Aizawlah hun hmang turin Rev. Lalmuchhuaka, Director; Tv. Lalrempuia, Speaker, Saltang Chhuahtu Team; Pu K. Laldawngliana, Synod Office; Pu Lallawmnakima Hmar, Synod Office; Pi Lalfakawmi leh zaithiam Ni. Ngursiami Chhangte te an kal ang.

□ **Synod Relief Fund**

Tun hnaia harsatna hrang hrang tawkte hnenah Synod Relief Fund aṭangin hetiang hian chhawmdawlina pek a ni.

S.No	Khua/Veng	Pek chhan	Chhungkaw zat	Pek zat
1.	Darlak	Damlo	1	₹ 10,000/-
2.	Zawngin	Damlo	1	₹ 10,000/-
			Belh khawm	₹ 20,000/-

□ **MPF Aizawl East-1 Constituency Political Seminar neih a ni**

Sept. 7, 2023 (Ningani) chawhma dar 10:30 khan Falkland Presbyterian Kohhran Hall-ah, Aizawl East-I MPF Constituency Forum buatsaihin Political Seminar neih a ni a. He Seminar hi Upa C. Lalbiaksanga, President, AE-I, MPF-in a kaihrui a, Rev. Lalramliana Pachuau, General Secretary, MPF chu Resource Person niin 'Kan mamawh ram hruiat ṭha' tih a sawi a, Political Party leh MPF Thawhhona thuthlung sawizauna leh zirhona hun ṭha tak hman a ni bawk. Rev. Lalramliana Pachuau, Resource Person chuan ram leh hnam leh sakhua him nan te, ram hmasawna atan te, hlemhletna tibo tur te, ram inrelbawlina ṭha nei tur te, ṭhalai te chawk phur tur leh tichak tur te, nungcha leh thil siam dang enkawl thiam tura ram hruiat ṭha pawimawhna a sawi a ni.

Chawhnu lamah Resource Person, Rev. Lalramliana Pachuau-in Local Forum-te tih tur leh an pawimawhna te a sawi leh a ni.

He hunah hian Zemabawk, Zemabawk North, Zuangtui, Sihphir Venghlun, ṭhuampui, Muanna Veng, Falkland leh Sihphir Local Forum aṭangin mi 65 an kal khawm a ni.

- ❑ **FM Zoawi - Aizawl & Lunglei : Hruaina Eng Radio Programme**
September 8, 2023 (Zirtawpni) @ 7:30 p.m. :
Solo : Joseph Zaihmingthanga - A khawngaihna a tawk
Zaipawl : West Phaileng Dinthar Bial Zaipawl - Kan va ngai em ve aw
Thusawi : Lalrinchhani Fanai (Tutor, College of Nursing, Synod Hospital) -
Tunlai tlang hri leng laka inven dan
Solo : H. Lalmuankimi - Ka nun hian a ngai a che
Zaipawl : Mizoram Synod Choir - Kan zin kawngah
- ❑ **Su samachar Prasaran Programme :**
September 10, 2023 (Pathianni) 5:30 pm. :
Group/Choir/Solo : Hamren Pastorate Choir - Vang thu tha
Group/Choir/Solo : Eli Varte - Apne Hathon Se
Sermon : Rev. J.C. Lalramliana - Jisu Jibona Jyoti
Group/Choir/Solo : Hmingtea Tochwawng - Jisu tomái Bhalo Bese Chhi
Group/Choir/Solo : Aizawl West Area Choir - Bharat Desh Mahan
- ❑ **Hruaina Eng TV Programme**
7.9.2023 (Ningani) 8:30 pm : Thupui zir bing - Kohhran Chanchin (Tunlai hun)
8.9.2023 (Zirtawpni) 5:00 pm : Kristian Naupang Pual
9.9.2023 (Inrinni) 5:30 pm : Puitling Sunday School Zirlai
8:30 pm : Rimawi huang
10.9.2023 (Pathianni) 8:00 am : Weekly round up
5:30 pm : Su Samachar Prasaran
11.9.2023 (Thawhtanni) 8:30 pm : Hruaina Eng Luang chhuak
- ❑ **Moderator leh Executive Secretary-te Programme:**
Rev. Dr. C. Chawngmingliana : Moderator
Sept. 7-11, 2023 Goa, Pune leh Mumbai - Kohhran tlawh
Sept. 13-14, 2023 Chhim Area Committee, Lunglei
Rev. C. Zoramawia : Senior Executive Secretary
Sept. 7-11, 2023 Goa, Pune leh Mumbai - Kohhran tlawh
Sept. 12, 2023 Pay Commission
Sept. 13-14, 2023 Chhim Area Committee, Lunglei
Sept. 15, 2023 Service Board Sub-Committee
Rev. V.L. Luaia Hranleh : Executive Secretary
Sept. 7-8, 2023 John Williams Hospital Committee, Lunglei
Sept. 11-13, 2023 Delhi
Sept. 14, 2023 Naupang pual Media Committee
Sept. 15, 2023 Archive Committee leh Sunday School BEC
Sept. 17, 2023 Lungleng Pastor Bial Senior Department Inkhawmpui hmanpui
Rev. Dr. K. Lallawmzuala : Executive Secretary
Sept. 8-21, 2023 Field Committee - Arunachal East, West leh North

HRIATTIRNA

Kum 2024-2025 chhung atan Synod Revival Speaker lak a ni dawn a. A dil duh tan dil theih a ni. Dilna Form hi Synod Revival Office-ah Office hun chhungin lak theih a ni. Dilna Form chu October 2023 ral hma ngeiin Revival Office-ah thehluh tur a ni ang. Diltu zawng zawng hi November 21, 2023, zing dar 7:00 am atangin Synod Committee Room No 1, Synod Office-ah interview tur a ni ang.

Rev. C. Zoramawia
Senior Executive Secretary
i/c Revival